



2

TENTAMEN MEDICUM
INAUGURALE,
DE
PHTHISI PULMONALI.



TENTAMEN MEDICUM
INAUGURALE,
DE
PHTHISI PULMONALI.

QUOD,
ANNUENTE SUMMO NUMINE,
Ex Auctoritate Reverendi admodum Viri,
D. GEORGII BAIRD, S.S.T.P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI Consensu,
Et Nobilissimæ FACULTATIS MEDICÆ Decreto,

Pro Gradu Doctoris,
SUMMISQUE IN MEDICINA HONORIBUS AC PRIVILEGIIS,
RITE ET LEGITIME CONSEQUENDIS;
ERUDITORUM EXAMINI SUBJICIT
ANDREAS MUNRO,
ORCADENSIS;
CHIRURGUS.

*Whilst meagre Phthisis gives a silent blow,
Her strokes are sure, but her advances slow;
No loud alarms nor fierce assaults are thrown;
She starves the fortrefs first, then takes the town.*

GARTH.

Ad diem 24 Junii, hora locoque solitis.

EDINBURGI:

CUM PRIVILEGIO.

TYPIS GEORGII MUDIE ET FILII.

1797.



VIRO EGREGIO,

THOMÆ BALFOUR DE ELWICK,

COPIARUM SCOTIÆ PRÆFECTORUM

UNI,

OB INNUMERA BENEFICIA,

QUIBUS EUM EJUSQUE

SIBI IN ÆTERNUM OBSTRINXIT :

NEC NON,


THOMÆ ANDERSON,

IN OPPIDO LEITH DEGENTI,

REG. SOC. CHIRURGORUM SOCIO,

SUO IN MEDICINA PRÆCEPTORI PRIMO,

ET CERTO AMICO :



POSTREMO,

JACOBO PATERSON,

NON TAM AFFINITATE,

QUAM AMICITIA

QUA SE SEMPER DIGNATUS EST,

SIBI CARISSIMO ;

HANCCE CHARTULAM,

STUDIORUM PRIMITIAS,

SUÆ ERGA EOS OBSERVANTIÆ,

EXIGUUM, SED SINCERUM, TESTIMONIUM,

SACRAM VULT

ANDREAS MUNRO.



TENTAMEN MEDICUM

INAUGURALE,

DE

PHTHISI PULMONALI.

AUCT. ANDREA MUNRO.

MECUM reputanti, quem potissimum, e magna copiâ, morbum feligerem, de quo, hujus ALMÆ ACADEMIÆ legibus obtemperans, Tentamen Inaugurale quam brevissimè exararem, priùsquam *Doctoris* gradum adipiscerer, Phthisis Pulmonalis summam attentionem meritò sibi vindicare visa est. Non tamen in spem venio, me aliquid novum aut certius de naturâ et curatione morbi sempèr ferè lethalis,

A.

hùc

huc allaturum ; sed, eo precipue consilio, ut, modo eum tractandi, et opinionibus, quas plerique medici, qui de hac re scripserunt, rite perspectis, aliquantum auxilii asserre possem miseris eorum hominum, malo laborantium omnium, quæ ego scio, maximè funesto, et latissimè grassante. Et cum morbi diuturnitatem ac severitatem spectes ; cum in animo perpendas pulcherrimos utriusque sexûs, præsertim feminini, juvenes cum adoriri solere, quos plerumque, florente ætate, hilares animi, omniaque potius quam extremum diem expectantes, morte præmaturâ, amicis acerbâ, extinguit ; ad hoc, strages latiores in hac insulâ quam in ullâ aliâ terrarum parte quotannis edere ; nullus morbus, ni fallor, aut molestior, aut periculosior, vel medicorum investigatione dignior, haberi potest.

Sed, quamvis innumeri ferè libri, ad hanc rem pertinentes, a medicis ingeniosissimis scripti sunt, tamen nihil aliud quam morbi levamen attigisse,

attigisse, et sic fato instanti aliquamdiu obstitisse, videntur. Cujus rei ratio videtur esse, propterea quod morbus, de quo agitur, in instrumento delicatissimo vitæque quam maximè necessario, quò nullis remediis aditus rectà patet, continetur, vel ob aliquam causam adhuc in tenebris submersam.

Diversæ hujus morbi species a scriptoribus memorantur, et a diversis earum causis aliæ aliter appellatæ sunt. Sed mihi in animo est, in hoc tentamine, veræ phthisi, a tuberculis in pulmonibus fitis ortæ, curam meam adhibere.

Celeberrimus CULLENUS hunc morbum accuratè, ut mihi videtur, sic definit: “Corporis emaciatio, debilitas, tussis, febris hæctica, et plerùmque expectoratio, purulenta.”

Eum in phthisin incipientem et phthisin confirmatam dividit: quarum illam nulla, hanc major vel minor puris expectoratio, comitatur.

Hæ tamen manifestè sunt diversa stadia, seu tempora, ejusdem morbi, neque species distinctæ habendæ sunt.

HISTORIA MORBI.

MORBUS primùm sese ostendit diversis temporibus a pubertate ad septimum lustrum; nulla verò hominis ætas illi non obnoxia est. Infantes* enim interdùm nati sunt summâ macie
et

* Dr Alb. Haller, in Observationibus Pathologicis, hæc verba habet.—“The ancient physicians have assigned
“certain stages of life to consumptions. I shall not take
“it upon me to call their judgment in question upon the
“subject. But I must beg leave to say, with due submission to their judgment, that it is a disease which attacks life very early, and even infancy itself, as I have
“been convinced by more than one instance: and no
“longer ago than January last, in a male infant, less than
“a year old, which I dissected, the right lobe of the lungs
“was quite full of a white, thick, and well-concocted
“pus.”

et tussi violentâ laborantes, et, intra mensem post natum, phthisi confirmatâ evidentè extincti fuerunt * : et Dr ROBINSON mentionem facit mulieris, quam morbus hic corripuit, tempore quo menstrua plerùmque fluere desinunt.

Inflammationis stadium incipit siccâ tussiculâ, titillationem ciente, adeò leni, ut sæpè observationem ægri vel ejus amicorum eludat. Respiratione quoque sub motu corporis haud parùm acceleratur. Æger marcescit, languescit, et motui omnigeno ineptus fit. Hæc symptomata in unum vel alterum annum sine magnâ mutatione durant ; sed æger frigore magis afficitur, quod tussim augere solet, et quoddam *catarrhi* inducit.

Tandem tussis ingravescit, ægro in lecto decumbenti noctu præsertim molesta est, et diutius manet quam ea quæ ab usitato catarrho
originem

* Dr REID's Essay on the Phthisis Pulmonalis.

originem suam trahit; quod, si æstate accidit, pejus est.

Tussis ægrum sæpè diù infestat, expectoratione nullâ comitante; sed, cum frigori crebrò expofitus fit, magis constans, aliquâ muci excreatione, præfertim autem mane, stipata, evadit. Materia, excreatione rejecta, paulatim copiosior, magis viscida et fusca fit: tandem flavescit, virescit, vel colorem purulentum induit. Quod argumento est stadium secundum vel *suppurationis* jam inchoasse.

Respiratio difficilior existit, ægerque motus aliquantulum averfatur, ac vix quidem ferre potest. In mulieribus, morbo progrediente, et interdum ejus principio, fluxus menstrualis retinetur.

Cum tussis aliquamdiù manserit, arteriarum pulsus, primum naturales, jam frequentiores fiunt. Dolor quoque alicubi in thorace, primum
plerumque

plerùmque sub sternò sentitur, præcipue, vel solum forsan, cum tussis urget. Alter dolor, ineunte morbo, latus alterutrum ægri, præsertim in lecto decumbentis, vel plenam inspirationem facientis, occupat. Oculi hebescent, vultus pallefcit, spiritus foetidus evadit.

Confirmato jam morbo, hæctica febris * incipit, cum acerbationibus meridianis et vespertinis, sudore in superiori corporis parte paulò post erumpente. Genæ ruboribus circumscriptis, post cibum sumptum cudentibus, suffunduntur. Manuum volæ et pedum plantæ ariditatis et caloris sensu molesto afficiuntur. Oculi tunica adnata peculiaris albidì coloris fit.

Morbo

* Variæ scriptorum medicorum sententiæ sunt, de tempore quo febris hæctica primùm apparet; aliis affirmantibus, eam incipere sub finem primi stadii; aliis autem, se non ostendere priùsq̃uam stadium secundum terminetur vel ultimum inchoet. Sed hanc rem in medio linquam: nam, si omnia argumenta ad utramque opinionem sustinendam, proferrem, limites, quos huic dissertationi præscripsi, transilirem.

Morbo progrediente, omnia symptomata magis ingravescent : tussis ægrum indefinenter urget, proclivitate ad vomitum stipante. Vox rauca, multumque mutata fit. Magna anxietas et oppressionis sensus in pectore adsunt. Respiratio cita et operosa est, et frequenter foetorem edit. Pulsus durissimi celerrimique, præsertim vespere adventante, raro pauciores quam centum intra temporis *minutum*, existunt. Cutis valde arefcit ; nullum cibi desiderium est ; neque dormire potest æger. Vesperis adventu, sudor accedit, et signa febrilia remissione fruuntur.

Tandem natura, tot malorum onus ferendo inhabilis facta, paulatim refert pedem. Alvi fluxus, tertium morbi stadium stipans, aliis symptomatis supervenit. Expectoratio minus copiosa fit, ac miseri ægri vires, sudoribus colliquativis e fronte et pectore provenientiibus, exhauriuntur. Mæ, dum reliqua cutis pallida decolorque existit, rubore tinguntur. Oculi in suis orbitis deprimuntur ; unguis curvantur ; et capilli

pilli a corpore passim delabuntur. Crura et tali tumescunt, reliquo corpore penitus exhausto. Postremò, vitâ per complures nonnunquàm annos maximæ miseriæ productâ, ægrum sæpe animi hilarissimum, et tandem redituræ valetudinis secundæ spem certissimam fotentem, facilis et repentina mors extinguit.

CAUSÆ REMOTÆ.

Remotæ Causæ in opportunos facientes et excitantes dividuntur.

Causæ homines huic morbo opportunos facientes sunt debilitas et nimia mobilitas vasorum sanguiferorum. Quarum notæ sunt pulcher et delicatus color vultûs, cutisque adeò pellucida ut venæ cærulei coloris manifestè per eam appareant.

Peculiaris corporis forma, scilicet, angustus

B

thorax,

thorax, collum longum, costæ depressæ, scapulæ prominentes, et corpus gracile, sanguinis ad pulmones impetui favet, eorundem obstructions et sanguinis profluvia faciens, et sic homines huic morbo opportunos facit.

Hinc mulieres ad phthisin pulmonalem procliviores sunt quam viri, quarum pulcherrimæ et elegantissimæ ei sæpè succumbunt.

Magna quoque sensibilitas generis nervosi ad eandem proclivitatem gignit.

Ætas, porrò, quâ morbus primùm se ostendere incipit, inter has causas memoranda est; quoniam morbus rarò, ante pubertatèm, vel ultra trigessimum quintum annum, accidere solet.

Tempus vernum, quoniam cum aliis causis suprà memoratis operam suam confert, inter earum numerum habendum est.

Omnium autem causarum huic morbo homines prædisponentium, nulla hùc magis spectat quàm labes hæreditaria scrofulosa.

CAUSÆ EXCITANTES.

CAUSÆ Excitantes, vel eæ quæ in corpore ad morbum jam proclivi factò, morbum excitant, complectuntur omnia quæ sanguinis majorem justò fluxum ad pulmones faciunt, vasa sanguifera ibi distendentem, et sic plethoram localem producentem.

Hujusmodi est pulmonum inflammatio partiumque vicinarum.

Catarrhus phthisin pulmonalem inducere periclitatur, magnam mucì vim in pulmones dirigendo, et sic tussim molestam irritationemque excitando,

Omnia quæ sanguinis congestionem in pulmonibus efficiunt, hujus morbi causæ excitantes habenda sunt: cujusmodi est exercitatio violenta; crebra cantio, seu voce seu tibiis; fasciæ, corpus arctè constringentes; fluxuum foliorum retentio; vehementes partium vicinarum dolores, liberum per pulmones aëris transitum impediētes; pulmonum obstructions et irritationes.

Exercitatio violenta, sanguine celerius in pulmones propulso quam indè expellitur, vasa distendit, et *hæmoptisin* gignendo habilis fit.

Cum vox per aëris a pulmonibus expulsionem formetur, magna ejusdem intentio, ut in canendo, vel concionando, sanguine in pulmonibus congesto, eodem quo *exercitatio violenta* pertinet.

Arcta corporis per fascias ligatio, quo minus sanguis per vasa in summo corpore liberè fluat, impedit,

impedit, ideòque sanguinis circum cor accumulationem, et indè pendentia mala generat.

Menstruorum fluxus hæmorrhoidalis, soliti enaribus sanguinis profluvii, suppressio; usitatæ sanguinis detractiois derelictio; phthisi originem præbere haud rarò observantur. Iidem quoque effectus, ac suprà memorati, ab aliquo membro amputato interdum proveniunt *.

Vehementes dolores in partibus pulmonibus finitimis; obstructions a tumoribus scirrhis vel a vomica nondùm patefactâ, vel a tuberculis vel *glandularum lymphaticarum augmine, ortæ*; morbo iter complanant, justam pulmonum expansionem, liberumque per eisdem sanguinis transitum, remorando.

His

* “ The same consequences may follow from the amputation of a limb, as a great part of the circulatory vessels are lost, and little blood taken away; by which an over-distension of the remaining vessels must arise.”
WHITE’S Essay on Phthisis Pulmonalis, p. 27.

His causis excitantibus adjici possunt concre-
tiones lapideæ in pulmonibus, eorundem pleuræ
adhæsiō, pulveris inhalatio, quod identidē ac-
cidit quibusdam artificibus; lapicidis, nempe,
in frumenti moliturâ, vel linum carpendo, ver-
fatis, cæterisque.

CAUSA PROXIMA.

HANC esse *inflammationem, et tuberculorum sup-
purationem*, inter plerosque scriptores medicos
convenit.

Hoc morbo interemptorum seclis cadaveri-
bus, reperiuntur tubercula, in pulmonibus la-
tentia, alia minima grana, alia autem fabas æ-
quinas, magnitudine referentia *. Hæc tuber-
cula, cum secentur, albidæ, lævis, cartilaginofæ
substantiæ, videntur. In iis paulò provectio-
ribus minima foramina in superficie observan-
tur.

* REID on Phthisis Pulmonalis.

tur. Ea vero quæ adhuc perfectiùs sunt formata unâ vel alterâ instruuntur cavitatibus, liquorem puris instar continentibus. Quo deterfo, quædam parva foramina in fundo apparent, a quibus compressis liquor, ei in cavitatibus similis, prodit. Tubercula majora vomicæ vocantur. Cum integra reperiantur, albidum, flavum, cæruleum, cinereum, et interdum foetidum liquorem continent; quum autem rumpantur, liquor, qui emittitur, magis vel minus rubidus est, et expectorationis purulentæ causa existit. RUSH, qui magnum sibi nomen meritò peperit, opinatur, tubercula proficisci a debilitate, omnibus corporis partibus communi, vasis bronchiorum propagatâ, quæ efficit ut hæc mucum, præter naturam abundantem, fecernant, interdum in tracheam effusum, manè excreatione rejiciendum, (nam inter somnum copiosius solito feceritur), sæpiùs autem in ipsos pulmones, et tumores ibi gignentem.

RATIO SYMPTOMATUM QUORUNDAM.

Tussis sicca, inter prima signa observata, a formatione et irritatione tuberculorum, pendere videtur.

Spirandi difficultas a tuberculis bronchia prementibus et liberum aëris transitum impediens, oritur.

Debilitas et tabes, obstructions in pulmonibus, et pravam cibi concoctionem, pro causâ agnoscunt, et a sudoribus accedentibus magno-perè augentur. Magnæ debilitati quoque originem præbet febris hæctica.

Facies pallida et peculiaris albor tunicæ adnatæ imminuto sanguinis impetui in his partibus tribui debent.

Expectorationem

Expectorationem purulentam a ruptis vomicis oriri verisimile videtur : et si sanguine tingitur, quædam vasorum pulmonalium erosa fuisse, argumento est.

Talorum ædema a tardo sanguinis reditu per venas, ob corporis debilitatem, pendet ; undè sanguis majore copiâ per arterias exhalantes propellitur, hanc effusionem efficiens.

Febris hæctica plerùmque putatur oriri a tuberculorum pure in sanguinem resorpto, et per totum corpus diffuso, ob acrimoniam suam cor et arterias passim stimulante, pulsuumque velocitatem accelerante.

DIAGNOSIS.

Quum morbus longè progressus sit, ab aliis facile distinguendus est : summa macies, expectoratio purulenta, febris hæcticæ symptomata, mor-

bum solerti medico manifestum reddunt. Sed principio ejusdem talis distinctio non æquè facilis est. Morbus, cui phthisis, initio ejus simillima est, et quicum facillimè confundi potest, catarrhus est. Notæ huic propriæ sunt ; propterea quòd præcipuè hyeme vel vere accidit, postquam frigus corpori admotum est ; signa a frigore orta : scilicet, coryza, inflammatio, et tumor faucium, rauco, ab ipso morbi principio tussis, febris inflammatoria, nulla debilitas, et hæc symptomata, æstate adventante, decedentia. Quamvis nullum eorum signorum separatim sumptum magni momenti est, ex omnibus tamen conjunctis, *catarrhum* adesse medicus colligere potest. E contrario, tussis non ab ipso morbi principio, incipiens, neque a *catarrho* originem trahens ; non humida, et æstatis adventu non decedens ; paulatim accedens ; ab ægro ipso vix percepta ; macies quoque debilitati adjecta ; phthisin adesse, et tubercula in pulmonibus delitescere, satis demonstrant.

PROGNOSIS.

IN plerisque casibus, eventus hujus morbi infauſtus eſt, et in junioribus quàm in ætatis proviſtoris hominibus periculoſior.

Opinio vulgaris eſt, cùm pulmones morbidij facti ſint, morbum immedicabilem fieri. Sed rem non ſemper ità ſe habere, ex hoc patet, unum pulmonum lobum hominis, qui ex hoc morbo convaluerat, ſectò^o ejus cadavere, proſuſ deletum repertum fuiſſe *. Magnum morbi periculum hinc forſàn oritur, propterea quòd morbus plerùmque multum in corpore detrimenti ediderit, priuſquàm medicus ad ægrum arceſſitus ſit. Phthiſis pulmonalis, quam hæmoptyſis cauſa continet, minùs periculoſa quàm a tuberculis orta, eſt. Phthiſis, tuberculorum proles, interdùm ſanata eſt ; ſed tabi hæredita-

* MUDGE on Catarrh.

riæ debita, omnium periculofiffima et certiffimè fatalis invenitur. Periculum, aliquâ faltem ex parte, judicari poteft a magnitudine ad quam febris hectica pervenit. Summa macies et debilitas, fudores copiofi et alvus fufa, de ægro jam actum eſſe, ferè pro certo indicant. Homines, tamen hoc morbo affecti, fumma debilitate in quâ vita conſiſtere potuit, laborantes, a medicis deſperati, contra omnium ſpem interdum, quamvis rariffimè ad perfectiſſimam ſanitatem reſtituti ſunt. GREGORIUS noſter, in ſuis Prælectionibus Clinicis, exemplum refert feminæ, a phthiſi poſt pleuritidem correptæ, cujus mortem fudores colliquativi, diarrhæa, febris hectica, purulenta expeſtoratio, aliaque ſigna mâla, jam jamque aſſuturam, denunciabant. Idoneâ verò curatione adhibitâ, remediisſque ad ſymptomata mala compeſcenda applicatis, intervallo quadraginta circiter dierum, priſtinam valetudinem ſecundam mirum in modum proſùs recuperavit. Compluribus interjectis annis, quibus omnibus phthiſeos indiciis immunis vitam egerat, ad noſocomium

focomium rheumatismo acuto laborans se recepit; nunquàm postea tamen phthisis eam adorta est. Gestatio phthisi moram afferre observatur; sed, post partum, omnia symptomata revertuntur, et ingravescent, breviterque misellæ mortem accelerant.

CURATIO.

IN nullo, quàm in hoc morbo artis medicæ impotentia magis conspicua atque deploranda est, neque ullus morbus medicinæ opprobrium rectiùs habetur. *Theoria*, ab ingenioso BEDDOES nuper in medium prolata, docet phthificos aliquam subiisse mutationem, quâ pulmones eorum *oxygen* ab aëre sibi attrahendo habiliores fieri, et hinc morbum oriri. Cujus veritatis sanguinis color rutilus argumentum ostentatur. Hâc *hypothesi* nixus, eruditus ille medicus et scriptor elegans, ægros, arctis cubiculis inclusos, aërem *carbonicum* per apparatus, hoc consilio constructum,

constructum, inhalare suadet ; nempe, ut sic status scorbuticus afferatur. Sed hæcce *theoria* phthiseos naturam nequaquam potest explicare, quoniam, quæ corpus oxygenis appetentius faciant, prorsus ignoretur ; verisimiliusque videtur, cum respiratio multum impediatur, aërem mephiticum quam *oxygenem* in pulmonibus accumulari.

Ex ante dictis de morbi naturâ, quam difficilis, si unquam possibilis, ejus sanatio fit, omnibus facile patebit. Et quamvis omnia, quibus medicus utitur, remedia plerumque secus procedunt, nihilominus summâ ope nitî, et nunquam spem amittere, decet. Igitur ad hoc efficiendum tria consilia necessaria sunt.

1mo, Tuberculorum inflammationi occurrere.

2do, Immodicum humorum impetum a pulmonibus superficiem versus dirigere.

3tio,

3tio, Symptomatis quibusdam levamen afferre.

Primum confilium perficitur, regimine anti-phlogistico sedulò observato, ideoque alimenti generis, quo æger utitur, ratione habitâ. Hoc enim tanti momenti est, ut, diætâ neglectâ, frustra omnia reemedia adhiberentur. Æger itaque a cibo animali prorsùs abstineatur, solisque ferè plantis, quamvis non minimum nutrimenti habentibus, utatur.

Lac igitur phthificorum maxima pars tâmcurationis quàm cibi esse debet, cujus beneficium longa series annorum testatur. Genus hujus quod attinet; vel femineum, vel asinum, vel equinum, vel caprinum, omnibus aliis anteponenda sunt, quippe quæ, quàmvis minus nutritionis continent, concoctu facilia sint.

Nonnulla exempla phthiseos, sine ullis medicamentis, a lacte humano solo sanatæ, memoriæ traduntur,

traduntur, cum ultima ægri hora adventare putaretur *. Lacti tamen incommoda sua non defunt; quippe quòd, alvum modo astrictam reddat, modo nimis coagulando noxæ fiat. Sed magnesia, ventriculi aciditatem corrigendo, ambobus his malis commodissimè occurret.

Caro ipsa, et cibus e carne petitus, quia nimis stimulat, et calorem in ventriculo excitat, multum damni secum afferunt; ideoque semper ferè vitanda. Quod si unquàm hujusmodi materia utendi necessitas accadat, pisces, præsertim autem testacei, minus detrimenti morbo efficiunt.

Sed dùm ad ægri regimen attendimus, minimè negligendus est animi status. Igitur tranquillus et placidus servandus, amicorum grato contubernio delectandus est, a pathematibus violentis longè absit; quam ob rem, omnes animi affectiones

* ROBINSON on Phthisis Pulmonalis.

affectiones nimiae, ut ira, gaudium, mœror, &c. quæ stimulo suo nocent, fugiendæ sunt.

Sanguinis detractio. Venæsectio in hoc morbo remedium utilissimum esse invenitur; sed, nisi quibusdam rebus ejus usum suadentibus, ad eam non semper decurrendum mihi videtur. Cùm ægri vires multum prostratæ sint, hæc evacuatio perniciofa manifestè esset. Symptomata, sanguinis detractiōni faventia, sunt tussis sicca, pulsus plenus, durus, et creber; in thorace dolor; respiratio difficilis. Sanguis parcâ manu * educendus est; nam copiosè profusus, le-

D

vamine

GREGORIUS ingeniosus observat, semper memoriâ tenendum esse, “Tantam sæpe, quasi puncto temporis, ab
“intempestiva sanguinis abstractione, corpori inferre perniciem, quantam neque optimi medici peritia, neque
“omnia medicinæ subsidia, postea compensare potuerint.
“Nam, ut sanguis semel missus nunquam in venas redit,
“sic neque vires cum illo amissæ in variis morbis unquam refici possunt.”

vamine pro tempore allato, postea debilitatem ægri auget, mortemque citam intentat.

Refrigerantia. Ea, plerorumque consensu, ad tuberculorum inflammationem minuendam plurimum valent. Huc spectant succi maturorum fructuum, aqua diluti, qui suavissimum potum suggerunt. Sed sua culpa non carent, quoniam ad diarrhæam proclivitatem gignant, quæ cum observatur, parcissime adhiberi debent*.

Indicatio altera perficitur

Per exercitationem. Omnigeni corpus exercendi modi, quos nimia quassatio non stipat, phthisipneumoniæ salutiferi sunt. Quoniam, igitur,

* GREGORIUS, in Prælectionibus suis de Medicinæ Praxi, mentionem facit feminæ hoc morbo laborantis, quæ adeo debilis fuit, ut ejus supremus dies mox expectaretur, ad sanitatem reductæ, solum magnam aurantiorum vim quotidie edendo.

igitur, ambulationem nimia comitetur agitatio, in ejus locum, approbantibus medicis, equitatio, navigatio, et in fediculâ pendulâ agitatio, subiêre, de quibus singulis pauca differere mihi in animo est.

Equitatio, nisi cum ad hæmoptysin proclivitas adfit, phthificis magno sæpè auxilio est. Sed in memoriâ tenendum est, hanc gestationem tantùm ineunte morbo salutarem esse : et, e contrario, cum jam morbus longè processerit, pure sanguine recepto, perque universum systema diffuso, quumque febris hæctica totum corpus multùm debilitaverit, tùm demùm remedium hocce, ab egregio SYDENHAMO adeò laudatum, nocentissimum evadere. Vehiculo ferri, cæteris paribus, nisi in viis planis, æquè ferè culpandum est.

Navigatio. Omnium autem gestationis generum optimum est navi vehi ; quippe cujus agitatio diu noctuque indefinentèr fervetur,

quodque constantem, et æqualem perspirationem sustentet. De utilitate hujus gestationis inter omnes scriptores medicos convenit, sed de modo quo effectus suos edat, magna sententiarum diversitas existit; aliis beneficium ejus balsamico refinoque aëri, a navi inhalato, aliis verò salinis et bituminosis particulis a mari inspiratis, attribuentibus. Talia autem commenta, tanquam conjecturalia, fusque deque habeo. Latet causa, effectus notissimus est.

In sella pensili agitatio. Hoc remedium ab ingenioso medico CARMICHAEL SMYTH magnis laudibus elatum est, qui in libello, quem de hac re paucis abhînc annis edidit, tredecim homines, phthisi laborantes, per hoc exercitii genus secundam eorum valetudinem suo ductu rursus recuperasse affirmat. Idem in cor et pulmones suam vim exercere opinatur, nam confestim pulsum celeriore, ægrumque validiorem, reddit. Ejusdem agitationis pericula postea facta a CULLENO et GREGORIO, in Nosocomio Edinensi, non
æquè

æquè prosperos successus habuerunt. Cum ægri vires multùm fractæ sint, manifesto periculosa foret.

Emetica. Quidam scriptor *, emeticorum, sed, ut mihi videtur, sine discrimine, usum commendavit; quippe quæ sanguinem ad summum corpus propellant. Certè, in primo morbi stadio, ægri viribus non multum imminutis, ut nauseam cieant administrata, ad hunc effectum præstandum valent: et, ut illustrissimi BRYAN ROBINSON experimenta demonstrant, ad hæmorrhagias reprimendas, morbosque, ab inequali fluidorum distributione provenientes, tollendos, accommodata sunt: sed, morbo jam multùm progresso, debilitatem augent, et mortem, quæ aliter aliquamdiù arceri potuisset, accelerato pede instare faciunt. Cl. DUNCANUS, cujus rerum medicarum observatio accurata, ejus testimonio magnam auctoritatem conciliat, in multis phthiseos tuberculosæ exemplis, expectationi suæ

* REID on Phthisis Pulmonalis.

fuæ non respondisse in prælectionibus clinicis affirmat.

Vesicatoria alicui thoracis parti admota, sanguinem a pulmonibus ad superficiem attrahendo, et dolore lateri infixio sublato, plurimum profunt. Idem ferè dicendum est de *setaceis*, *fonticulis*, et *causticis*, quæ, sanguinis ad pulmones impetum minuendo, bonos eorum effectus præstant.

Diaphoretica noxæ sunt. Sed omnium quæ ad summum corpus sanguinis determinationem efficiunt, utilissimum, ipsisque ægris gratissimum est, vestimentis calidis se defendere. Hoc consilio, igitur, subucula lintea pro laneâ mutari debet, crura et pedes tibialibus laneis obvolvenda sunt. Frigori enim pedibus applicato, phthificis nihil perniciosius esse potest.

E rationis similitudine, nonne generalis corporis frictio phthificis utilis esse debet?

Cœli temperies. Aër agrestis anteponeendus urbano; quocircà rus petendum, ubi neque aequilo frigidus tempore verno, neque æstati fervidi austri, infestant ægrum. Sed cùm in hâc insulâ gratum anni tempus per paucos tantum menses duret, medici statuerunt optimum esse consilium, hyeme incipiente, mittendos ægros ad regiones iis accommodatissimas, scilicet, Madeiram, Italiam, Galliamque australem. Sed harum omnium, cœli temperies maximè æqualem, et phthificis præstantissimam, in Madeirâ esse, longâ experienciâ testatur Dr HEBERDEN; in eâ, enim, calor æstatis, et frigus hibernum, æquè vitari possunt.

Postremò, ad tertium consilium perficiendum, nempe ad maximè urgentia symptomata levandum, varia, diversis temporibus, remedia, et cum vario successu, excogitata sunt, quorum præcipua breviter sequar.

Opium. Imprimis ad tussis severitatem compescendam

perfcendam in provecto morbi ftadio, opium plus boni efficere repertum eft, fomnô inductô, quàm mali, diathefi phlogifticâ auctâ. Idem ad diarrhæam colliquativam fiftendam maximè pollet. Ineunte diarrhæâ, fecundum CULLENUM illuftriffimum, acidi fructus, antifepticâ vi, falutiferi effe putantur. Vini aliquantum ægro præbendum eft, et ob caufas fuprà dictas, et quia ejus vires optimè fuffentat.

Cinchona. Cum magna diathefis inflammatoria adfit, cortex Peruvianus, eodem modo, ac cætera tonica, hâc auctâ, damnum adfert, fed in ultimo morbi ftadio, tali diathefi non prefente, ægrique viribus multùm proftatis, a compluribus auctoribus commendatus eft, nec immeritò; quippe qui cum acidis conjunctis fudoribus colliquativis optimum levamen præbet.

Eodem redeunt *mucilaginea quædam* quippe quæ morbi fævitiam fæpè frangant, ventriculoque

loque levius quàm *olea expressa* vel *syrupi* infundeant.

Dolores lancinantes in pectore interdum adeò sunt intensi, ut ad eos mitigandos sanguinis missione opus fit.

Porrò, hìc non alienum videtur quædam remedia enumerare, quæ morbo generali auxiliari dicuntur.

Inter ea hydrargyri præparata suis laudatoribus non carent: sed CULLENUS cum eorum pericula multa fecisset, in hoc malo, manifestæ perniciæ esse, certior factus est.

Aquæ chalybeatæ ægro jam convalescenti prodesse putantur.

Aquæ marinæ *, phthisi scrophulosâ laborantes sæpè optimos effectus experti sunt.

E

De

* RUSSEL in Tractu de Aquâ Marinâ.

De *Balsamicis*, quæ frequentèr in hoc morbo adhiberi solent, inter medicos non convenit; sed Myrrha, secundum clarum DUNCANUM, cum tartari chrystallis, vel nitro conjuncta, bonum remedium, præsertim in feminis hystericis, evadit.

Cicuta et *digitalis* in hoc morbo ægris interdum administrantur; sed talium remediorum boni effectus mihi ambigui videntur, neque ad ea confugiendum est, priùsq̃uam omnia alia secùs processerant.

Ætheris vitriolici vapores in phthiseos pulmonalis curatione a Doctore RICARDO PEARSON nupèr multum laudati sunt: sed cum ego eorum effectuum bonorum periculum nunquam fecerim, ipsius verba hic loci liceat mihi citare.

“ * Having, for the last two years, prescribed
 “ the vapour of vitriolic æther to patients labouring

* Annals of Medicine for 1796, page 420

“ boursing under phthifis pulmonalis, and ha-
 “ ving, both in hospital and private practice,
 “ experienced the best effects from its use in
 “ this frequent and formidable disease, I am
 “ preparing to lay before the public a report of
 “ the cases in which it has been given, accom-
 “ panied with remarks on some other remedies
 “ that may be employed with advantage in
 “ the cure of consumptions. Being desirous,
 “ in the recommendation of a new medicine,
 “ to have my own evidence supported by the
 “ concurrent testimonies of other practition-
 “ ers, I take the liberty of calling your at-
 “ tention to this subject, and of submitting to
 “ your notice my method of using this appli-
 “ cation, which is simply this : I direct the
 “ patient to pour one or two tea-spoonfuls of
 “ pure vitriolic æther, or of æther impregnated
 “ with cicuta in the manner hereafter descri-
 “ bed, into a tea-cup or wine-glass, and af-
 “ terwards to hold the same up to the mouth,
 “ and draw in the vapour that arises from it

“ with the breath, until the æther is evapo-
 “ rated. This is repeated three, four, or five
 “ times, in the course of a day, for a month
 “ or six weeks, more or less according to cir-
 “ cumstances. The first effects of this appli-
 “ cation are, an agreeable sensation of cool-
 “ nefs in the chest, an abatement of the dysp-
 “ noea and cough, and, after ten minutes or a
 “ quarter of an hour, easier expectoration. The
 “ ultimate effects, provided other proper mea-
 “ sures be not neglected, (for this is not to su-
 “ percede the use of other medicines, but to be
 “ employed in conjunction with them), are, a
 “ removal of the local inflammation, a clean-
 “ sing and healing of the ulcerated lungs, and
 “ a suppression of the hectic fever. To assert,
 “ that all these beneficial consequences will
 “ flow from its application in every species
 “ and degree of phthisis pulmonalis, would be
 “ adopting the language of quacks, and in-
 “ fulting the understanding of every one ex-
 “ perienccd in the profession : but to say, that

some

“ some of these good effects are likely to re-
 “ sult from its use in most instances, and most
 “ of them in a great number of instances, is
 “ asserting only what an experience of two
 “ years, in a situation where the opportunities
 “ of making trial of it have been very fre-
 “ quent, has fully confirmed.

“ The salutary operation of the æther ap-
 “ plied to the lungs, in the form of vapour,
 “ I have found to be greatly promoted by
 “ several volatile substances that are soluble in
 “ it, but by none more so than the cicuta. By
 “ macerating a sufficient quantity of the dried
 “ leaves of this plant in æther, for the space
 “ of three or four days, or at most a week,
 “ and occasionally shaking them together, a
 “ very saturated tincture is obtained, which
 “ may be inhaled in the same manner, and in
 “ the same doses, as the pure æther. My pro-
 “ portions are a scruple or half a dram of the
 “ powdered leaves to every ounce of æther.

“ The

“ The narcotic particles of the cicuta, con-
 “ veyed in this manner, along with the æther,
 “ to the diseased lungs, act as a topical appli-
 “ cation with the best effect : hence æther,
 “ thus impregnated, succeeds in most instances
 “ better than when it is employed alone. The
 “ only unpleasant circumstance attending the
 “ inhalation of this æthereal tincture of cicuta,
 “ is a slight degree of sickness and giddiness,
 “ which, however, soon go off.

“ It cannot be expected, that I should here
 “ point out every symptom, or set of symptoms,
 “ which indicate or forbid the use of this ap-
 “ plication : I shall only remark, that it ap-
 “ pears to be best suited to the florid, or what
 “ is commonly termed the scrophulous con-
 “ sumption. Where the pulmonic affection is
 “ complicated with the mesenteric obstruction,
 “ or diseases of the other viscera, or a dropsi-
 “ cal condition, it affords but transitory relief ;
 “ and

“ and in the very last stage of the disorder, the
 “ proper time of using it is past.”

Finem impositurus Dissertationi huic Inaugurali, quam nunquàm scripsissem, nisi ut hujus ACADEMIÆ institutis morem gererem, qualiscunque est, rogo, Præceptores mî, eam boni consulatis. Erroribus, qui passim inveniri possunt, indulgentèr ignoscatis. Nullius enim mali, cui miseri mortales obnoxii sunt, natura investigatu difficilior, nullius morbi curatio magis incerta et infelix, est, neque solertissimorum medicinam facientium tam in ejus, quàm multorum aliorum, medelâ, conatus, opproprii, “ artem nostram
 “ conjecturalem esse,” injustitiam ostendere unquàm potuerunt, vel, fortassè, unquàm poterunt.





